



BOSNA I HERCEGOVINA  
FEDERACIJA BOSNE I HERCEGOVINE  
Kanton Sarajevo  
Grad Sarajevo  
OPĆINA CENTAR SARAJEVO  
OPĆINSKO VIJEĆE

**Broj:** 01-20/18


**Datum:** 29.1.2018. godine

Na osnovu člana 30. Zakona o lokalnoj samoupravi - prečišćen tekst („Službene novine Kantona Sarajevo“, broj 22/00), čl. 10 i 68. Statuta Općine Centar Sarajevo - prečišćeni tekst („Službene novine Kantona Sarajevo“, broj 23/04) te čl. 87. i 92. Poslovnika Općinskog vijeća Centar Sarajevo - prečišćeni tekst („Službene novine Kantona Sarajevo“, br. 23/04 i 11/13) Općinsko vijeće Centar Sarajevo, na Dvadesetoj redovnoj sjednici održanoj 25.1.2018. godine, razmatralo je **Prijedlog odluke o izmjenama i dopunama Odluke o osnivanju JU Centra kulture i mladih Općine Centar Sarajevo.**

Općinsko vijeće je sa 16 (šesnaest) glasova „ZA“, pet „PROTIV“ i tri „UZDRŽANA“ glasa usvojilo amandmane vijećnika Nihada Uka da se u članu 7. dodaje novi stav (7) koji glasi:  
**„Općinski vijećnik/ca u mandatu me može biti član/ca Upravnog odbora Ustanove“.**

Općinsko vijeće je sa 23 (dvadeset tri) glasa „ZA“, dva „PROTIV“ i jednim „UZDRŽANIM“ prihvatilo prijedlog Predlagača da se u članu 6c) iza riječi „radni odnos“ brišu riječi „ili Općinskom vijećniku, koji je imenovan u ime osnivača, prestane mandat u Općinskom vijeću“.

**Općinsko vijeće je sa 23 (dvadeset tri) glasa „ZA“ donijelo Odluku o izmjenama i dopunama Odluke o osnivanju JU Centra kulture i mladih Općine Centar Sarajevo. Sastavni dio Odluke su i prihvaćeni amandmani.**



Na osnovu čl. 3. i 6. Uredbe sa zakonskom snagom o ustanovama („Službeni list Republike Bosne i Hercegovine”, br. 6/92, 8/93 i 13/94) i čl. 10. i 68. Statuta Općine Centar Sarajevo – prečišćen tekst (“Službene novine Kantona Sarajevo”, broj 23/04) Općinsko vijeće Centar Sarajevo, je na 20. redovnoj sjednici, održanoj dana 25.01.2018. godine, donijelo

**ODLUKU**  
**O IZMJENAMA I DOPUNAMA ODLUKE O OSNIVANJU JAVNE USTANOVE CENTAR**  
**KULTURE I MLADIH OPĆINE CENTAR SARAJEVO**

**Član 1.**

U Odluci o osnivanju Javne ustanove Centar kulture i mladih Općine Centar Sarajevo („Službene novine Kantona Sarajevo”, br. 45/17), u članu 1. dodaje se novi stav i glasi:

„(2) Skraćeni naziv Ustanove je JU CKM”.

U stavu (3) riječi „Mis Irbina 10” zamjenjuju se riječima „Mis Irbina 8”.

Dosadašnji stavovi (2) i (3) postaju stavovi (3) i (4).

**Član 2.**

U članu 5. iza stava (2) dodaju se novi stavovi koji glase:

„(3) Višak prihoda nad rashodima Ustanova koristi za obnavljanje i razvoj djelatnosti.

(4) Ukoliko Ustanova u svom poslovanju iskaže višak rashoda nad приходima, Upravni odbor je dužan osnivaču podnijeti izvještaj o uzrocima iskazanog gubitka sa prijedlogom mjera za otklanjanje istog, a u skladu sa članom 4. navedene Odluke.

**Član 3.**

U članu 7. dodaje se novi stav (7) koji glasi:

„Općinski vijećnik/ca u mandatu ne može biti član/ica Upravnog odbora Ustanove.”

**Član 4.**

U članu 8. stav (2) riječ „osnivača” zamjenjuje se riječima „Općinskog načelnika u ime osnivača”.

**Član 5.**

Član 9. briše se.

Dosadašnji čl. od 10. do 18. postaju čl. od 9. do 17.

**Član 6.**

U članu 10. u stavu (2) i (4) riječ „osnivača” zamjenjuje se riječima „Općinskog načelnika u ime osnivača”.

**Član 7.**

Iza člana 13. dodaje se novi član koji glasi:

„13a.

Predsjednik i članovi Upravnog i Nadzornog odbora mogu biti razriješeni i prije isteka mandata u slijedećim slučajevima:

- a) na njihov lični zahtjev,
- b) ako nadležni organ uprave utvrdi da je odgovoran za nezakonit rad Ustanove, a u skladu sa članom 42. 43. i 44. Uredbe sa zakonskom snagom o ustanovama („Službeni list Republike Bosne i Hercegovine”, br. 6/92, 8/93 i 13/94);
- c) ako članu Upravnog i Nadzornog odbora, koji je imenovan iz reda stručnih zaposlenika prestane radni odnos.
- d) ako Općinsko Vijeće ne usvoji izvještaj o radu i finansijski izvještaj, zbog iskazanog negativnog poslovnog rezultata ili nezakonitog rada Ustanove;
- e) ako Općinsko vijeće izmijeni osnivački akt koji direktno utiče na njihov rad,
- f) ako se utvrdi da je Ustanova poslovala sa gubitkom u zadnje dvije godine,
- g) u drugim slučajevima utvrđenim Pravilima Ustanove.”

## Član 8.

Ova Odluka stupa na snagu narednog dana od dana objavljivanja na oglasnoj ploči Općine Centar, a naknadno će se objaviti u "Službenim novinama Kantona Sarajevo".

Broj: 01-49-196/18

Sarajevo, 25.01.2018. godine

Ova odluka je objavljena na oglasnoj ploči Općine Centar dana 25.01.2018. godine.

